

Fundacion AVI ta lansa proyecto nobo Biba Cultura



ORANJESTAD -- Un grupo di hoben y adulto a uni pa crea diferente mensahenan dedica na nos dia nacional 18 di maart. E prome campaña di e proyecto Biba Cultura ta Biba nos Himno y Bandera. E ta consisti di un serie di mensahenan crea pa e participantenan di e proyecto entre otro Charlene Marchena cu 'Mi tambe ta parti di nos dia nacional,' Mirla Winklaar cu 'Aruba ta loke ta uni nos,' Bryan Barrero cu 'Generosidad y Gratitude' y Juan Francisco Pardo cu 'Aruba ta nos.' E mensahenan ta consisti di poster y video y nan a wordo

realisa cu apoyo di Antonio Tromp, Nico Connor, Raphaela Mahadeo y Miguel Genser di e pelicula Abo So. Por wak e mensahenan riba www.bibacultura.com of riba www.facebook.com/bibacultura.

Tur siman te cu 18 di maart lo publica e mensahenan riba e website y riba e pagina di facebook di Biba Cultura. E proyecto aki ta un iniciativa di Fundacion AVI cu e sosten financiero di Unoca. Comunidad tambe por contribui na e proyecto aki, pa medio di comparti e mensahenan di video. Departamentonan

di gobierno y specialmente e comerciantenan cu ta desea di contribui pa medio di pone e poster di Biba nos Himno y Bandera por manda un mensahe na info@audiovisualinstitute.com.

Pa siguiente campananan cu ta Papiamento, Dera Gay y Dande, fundacion AVI

di filmacion, edita y diseño uzando Adobe Premier of Final Cut Pro, Ilustrado y Photoshop. E tayer lo enfoca riba structura di transmiti, principianan di composicion cinematografico y simpleza den diseño. E tayer ta hiba como titulo 'Visual Narrative' y e lo ta un 'hands on' tayer. Participantenan lo crea



ta organisando un tayer pa prepara e participante cu conocimiento riba e tereno

storianan cu ta conecta cu e campananan di Biba Cultura, e genero di e naracion



visual por consisti for di entrevistanan, mensahenan di video, viral videos, un pelicula cortico di un solo toma y tambe e por ta un poster cu potret y of ilustracion. E tayer lo inicia Dialuna 17 di maart y e tin un duracion di 2 siman, tur anochi for di 6.00 pa 7.30. Contribucion na e tayer aki ta 150 florin pa participantenan nobo y 100 florin pa participantenan cu a yega di tuma un tayer di AVI caba. E contribucion ta inclui bebida y snacks tur e anochinan. Participantenan mester ta minimo 15 aña. Pa mas informacion encuanto e Visual Narrative Tayer bishita www.audiovisualinstitute.com. □